

**ՁԵՌԱՐՈՒԵՍԻ
ԴԱՍԱԿԱՆԴՈՒՄԸ ԺԹ.
ԴԱՐԻ ԵՐԿՐՈՐԴ ԿԷՍԻ
ՎԱՆ-ՎԱՍԿՈՒՐԱԿԱՆԻ
ԿՐԹԱՐԱՆՆԵՐՈՒՄ
(Ակնարկ)**

ԱՆԻ ՄՆԻԹԱՐԵԱՆ
amkhitaryan89@gmail.com

ՄՈՒՏՔ

ԺԹ.-Ի. դարերում արեւմտահայ

իրականութեան տարբեր վայրերում ձեռարուեստի որոշ ճիւղերի զարգացումը պայմանաւորուեց կրթամշակութային կեանքի ծաղկմամբ: Դպրոցների ու *Աղջկանց* վարժարանների ստեղծումը հիմք դրեց նաեւ արհեստների յետագայ զարգացմանը: Կարեւորելով դրանց գոյութիւնը՝ ուսուցանող առարկաների կողքին տեղ գտան արհեստագործական մի շարք դասանիւթեր՝ ասեղնագործութիւն, գորգագործութիւն, մանածագործութիւն, դերձակութիւն, կօշկակարութիւն եւն.:

Արհեստների եւ արուեստի զարգացումը նպաստեց տուեալ շրջանի բնակչութեան տնտեսութեան զարգացմանը, հասարակութեան առաջադիմութեանը¹: Արհեստների ու ձեռագործ աշխատանքների դասանիւթերը դասաւանդում էին հայ վանքերին կից աղջկանց վարժարաններում, յետագայում նաեւ Ամերիկայից, Եւրոպայից ժամանած ու Վասպուրականում հաստատուած միսիոնարների հիմնած կրթական հաստատութիւններում: Գլխաւոր նպատակն էր իզական սեռի դաստիարակչական գործը: Աղջկանց վարժարաններում ասեղնագործութեան յատուկ դասաժամեր են գործել եւ մասնակցութեան համար տրուում էին վկայականներ²:

Յօդուածի նպատակն է անդրադառնալ Վան-Վասպուրականի այն կրթական հաստատութիւններին ու որբանոցներին, որտեղ դասանիւթերի շարքին տեղ յատկացուեց նաեւ ձեռարուեստի ուսուցմանը: Կրթական համակարգում նրանց որդեգրումը նպաստեց արուեստի մի շարք ճիւղերի զարգացմանը, ստեղծուեցին ձեռագործ արուեստի բազմաթիւ նմուշներ: Այս երեւոյթը կարեւորում է նաեւ նրանով, որ համայնքային, խմբակային հաաքական գործունէութիւնը ստիպեց պահպանել, զարգացնել ու շարունակաբար փոխանցել դարերի ընթացքում զարգացման ուղի անցած, հին հայկական ստեղծագործական արուեստի կուտակած հարուստ փորձը, աւանդական ոճը, ձեւերը, տարածաշրջանում տարածուած ասեղնագործութեան կարատեսակները:



Վանեցի աղջիկները ցուցադրում են մանեղու, հիւսելու գործընթացը
(*Life and Light for Woman*, 1905:35, էջ 50)

Նախքան կրթամշակութային գործունեության ծեադրումը ծեռագործ աշխատանքները կատարուել են տան պայմաններում: Կարետոր տեղեկություն է պահպանուել Այնթապի ծեռագործության մասին, այստեղ՝ 1840ականներից, մինչ կանոնադրությունների գոյադումը, սեփական նախաձեռնությամբ, մի շարք կանայք տնային պայմաններում սովորեցրել են ասեղնագործություն, փոխանցել գիտելիքները նոր սերնդին³:

Կրթական հաստատությունները ժԹ. դարի երկրորդ կեսից ցանցի պէս տարածուեցին Օսմանեան Կայսրության հայաբնակ գրեթե բոլոր քաղաքներում: 1875ին Պոլսի մի խումբ ուսեալ կանայք հիմնեցին Ազգանուէր Հայոհեաց Ընկերութիւնը (ԱՀԸ), որը արեւմտահայ իրականության մէջ կանանց կրթասիրական-քարեգործական ընկերութիւնների շարքում առաջին կարողցն էր: Նրա նպատակն էր Օսմանեան Կայսրության հայաբնակ գաւառներում եւ յատկապէս Կիլիկիայում բացել դպրոցներ, նպաստել հայ աղջիկների դաստիարակության եւ կրթութեան գործին՝ գաւառական կրթական հաստատութիւններ հիմնելու եւ դրանց շարունակական գործունէութիւնն ապահովելու միջոցով⁴: Ընկերութիւնը վարժարաններ բացեց Մանազկերտում, Մուշում, Սասունի Հազգոյում, Ջէթունում եւն.: Այնտեղ դասաւանդուում էին նաեւ ծեռագործ, կարուծեփ առարկաներ, գորգագործութիւն, կարպետագործութիւն, ծեռային այլեայլ արհեստներ:

Յետագայում ԱՀԸ գործադիր ժողովների նիստերից մէկում, ատենապետ Ջապէլ Ասատուր(եան)ի կողմից իրափրումաձ էր Վանի Երամեան Վարժարանի ուսուցչապետ Համբարձում Երամեանը, որտեղ որոշում է ընկերութեան գործունէութիւնը ընդլայնել նաեւ Վանի աղջկանց վարժարաններից մէկում: Ուսուցչապետի խորհրդով այդ վարժարանը պէտք է լինէր Սանդիստեան Վարժարանը, որտեղ ընկերութեան հովանաւորութեամբ աւելի բարձր վարժուիներ պատրաստուէին եւ զարկ տրուէր «մաքանց գեղարուեստին»⁵: Ծրագիրը, սակայն, անկատար մնաց:

1873ին Պիլիքի ժամանաձ ամերիկացի քոյրեր Շարլոթ եւ Մերի Էլինները բացեցին Մաունթ Հոլիոքի աղջկանց վարժարանը⁶: Գեղարուեստական բարձր ճաշակով օժտուաձ Միա. Շարլոթը աղջիկներին սովորեցնում էր կարուծեւ, նրբափա ասեղնագործութիւն, ինչպէս նաեւ զձագրութիւն⁷:



Վանի Վարժարանի ուսուցչուհիներ
(Life and Light for Woman, 1892:22,
էջ 112)

1880ականներից աղջկանց յատուկ ձեռարուեստի յարկաբաժին է գործում Խարբերդի Եփրատ Քոլեճում: Ընդ՝ այստեղ եւ թէ՛ "վարի թաղ"ի աղջկանց վարժարանում սովորում էին ձեռագործ, կար ու ձեռագիտութիւն⁸:

ԱՀՀի գործունէութեան շնորհիւ Մուշում 1882ին բացուեց աղջկանց վարժարան, որտեղ դասաւանդել են Եւ Պոլսից ժամանած վարժուիիներ Եւ տեղացիներ: ԺԹ. դարավերջ-Ի. դարասկզբին Մուշ քաղաքում գործում էր եօթ հայկական դպրոց, որոնցից հինգը՝ թաղային եկեղեցիներին կից: Միւս երկուսից մէկը օրիորդաց դպրոցն էր, որ հիմնադրուել էր Յովսէփ Իզմիրեանցի կտակով 1884ին, իսկ միւսը՝ Միացեալ Ընկերութեան վարժարանը, թաղային դպրոցների համեմատութեամբ՝ ամէլի բարձրորակ էր⁹:

Ասեղնագործութիւն ու ձեռագործ աշխատանքներ դասաւանդում էին Մեգրէի հայ կաթոլիկ աղջկանց վարժարանում, որը հիմնուել էր 1895ին: Մեգրէի՝ 1905ի գերման աղջիկների թիւ 1 որբանոց-դպրոցում գործում էր կարի ու կարկատանի բաժին¹⁰:

Մարտինի մէջ գործող միսիոնարութիւ ժանեթ Էմերիքը 1907ին մեկնարկում է «ասեղնագործի արտադրութիւն»ը՝ օգնելու համար կանանց ու աղջիկների, որպէսզի ապրուստ վաստակեն կայսրութեան մէջ տիրող զրկանքի ու դժուար կացութեան պայմաններում: Ձեռագործները ԱՄՆ էին ուղարկում ու վաճառում¹¹: Նոյն պատկերը տիրում է նաեւ Ուրֆայում, որտեղ 1895ի դէպքերից յետոյ ամերիկեան որբանոցի մէջ հաստատուում է ասեղնագործութեան արհեստանոց՝ նախաձեռնութեամբ Քորինա Շաթըքի, որ փրկարար մեծ դեր կատարեց Ուրֆայի տնտեսական կեանքում: Արհեստանոցը յայտնի դարձաւ «նշխին տուն» անունով: Ասեղնագործ նմուշներն ուղարկում էին Բրիտանիա եւ ԱՄՆ, ինչը հարիւրաւոր կանանց ու աղջիկների համար ապրուստի միջոց դարձաւ¹²:

ՎԱՍՊՈՐԱԿԱՆԻ ՕՐԻՈՐԴԱՅ ՎԱՐժԱՐԱՆՆԵՐԸ

Վասպուրականում մինչեւ 1830ականները չեն եղել կանոնաւոր դպրոցներ: 1820ականներից սկսում է եկեղեցական կառոյցներին կից դպրոցներ բացելու փորձը. այնտեղ աշխատելու են հրաւիրում Վանում ծնուած եւ Պոլսում, Երուսաղէմում կրթութիւն ստացած հայորդիները: 1840ականներիւ Վանում կար արդէն վեց դպրոց, որոնք կոչւում էին ծխական¹³:

Վասպուրականում կրթական կեանքը ներկայացուած է շրջաններով, որոնցից էր՝ «*Ջուլիակ վարժոց*»ի շրջանը՝ ԺԷ. դարից մինչեւ ԺԹ. դարի առաջին կէտը: Այն իրականցում էր կտաւագործի գործարաններում, որոնք նոյն այս ժամանակաշրջանում գոյութիւն ունէին Վանում: Այս *վարժոց*ներում պատանիները արհեստների հետ ուսանում էին, ընթերցում գիր, թուանշան սովորում¹⁴: Քաղաքի մէջ գրեւ-կարդալ սովորում էին միայն տղաները ուստայանկութեան գործատներում: Խրիմեան Հայրիկը նոյնպէս գրել-կարդալ սովորել է իր հօրեղօք կտաւի հորերի աշխատանոցում՝ ուստայանկութիւն սովորելիս: Ամէն թաղ ունէր հիւսուածեղէնի մեծ եւ փոքր

արհեստանոց, որտեղ 7-15 տարեկան տղաներից ոմանք այս արհեստանոցների մէջ էին սովորում գիր, տարրական ընթերցանութիւն¹⁵:

Վանի իգական սեռի կրթութեան հարցում նշանակալից դեր ունեցաւ Իսրիմեան Հայրիկը: Ապագայ մայրերին կրթելու գործը գտնուում էր նրա եւ նրա շրջապատող մարդկանց ծրագրերում: Դեռ 1852ին Վանում փորձ է կատարուում աղջիկների դպրոց բացել, սակայն չի յաջողում: Հայրիկը հաստատապէս մնում էր այն կարծիքին, որ մայրը «լուսող տաճար է», ամէնից առաջ պէտք է կրթել մայրերին¹⁶:

1857ին Իսրիմեանի ջանքերով Վանի Վարագայ վանքում բացուեց «Ժառանգատրաց» երկրագործական վարժարանը: Մասնագիտական այս վարժարանի նպատակն էր՝ նախ կրթել ու դաստիարակել հայ մանուկներին, նրանց տալ գիտատնտեսական գիտելիքներ¹⁷: 1870ին վերջապէս, Իսրիմեանի երազանքը կատարուեց, նա հիմնեց աղջկանց առաջին վարժարանը Հայաստանի մէջ, եւ առաջին անգամ արժարժեց իգական սեռի կրթութեան հարցը¹⁸: Այգեստանում նրա հաստատած անդրանիկ վարժարանի՝ Սանդիստեան Վարժարանի բացման հանդէսը կատարուեց 25 Յուլիսի 1870ին, Ս. Սանդիստի տոնի օրը: Վարժարանն ունեցաւ 150 աշակերտուիներ¹⁹: Այն հիմնուեց Պոլսում գործող «Սանդիստեան Ընկերութեան» աջակցութեամբ: Ուսուցչական կազմի մէջ էին Աճէմեան թոյրերը, Եղիսաբէթ եւ Մարինէ, Աննիկ եւն., ովքեր յատուկ նուիրաւորութեամբ կատարեցին իրենց գործը²⁰: Սանդիստեանի սաները՝ նպատակադրուած նուիրուելու ազգային կրթութեան տարածմանը, յետագայում դասաւանդում էին այլ դպրոցներում, ինչպէս օրինակ «Ս. Թարգմանչաց» երկսեռ ուսումնարանում:

Մինչեւ 1884 Սանդիստեան Վարժարանը սեփական շէնք չուներ: Այդ տարում, Մկրտիչ Սանասարեանի միջոցներով նորաշէն եկեղեցուց ոչ-եռու շէնք կառուցուեց եւ նրա մօր անունով կոչուեց «Մայրամեան»²¹: Բազում դասանիւթերի կողքին այնտեղ դասաւանդում էին ձեռագործ, կարուծեւ: Օրիորդաց դպրոցները տեղական, հաւաքական ուժերով էին կառավարում: «Սանդիստեան»ի նախկին սանուիները գիտակցելով Վանի իգական սեռի եւ ապագայ դաստիարակութեան անհրաժեշտութիւնը, ցանկանալով բարենպաստ գործ ստեղծել՝ 1890-91ին Այգեստանում կազմեցին «Վանուիւեաց Ընկերութիւն»ը²², ղեկավարութեամբ Իսկուհի Իսրիմեանի: Ընկերութիւնը գործեց մինչեւ 1915, երբ գաղթը սկսեց դէպի Կովկաս, նա Թիֆլիսում



Վանի ոռոանոն (The Missionary
herald/ American Board of
Commissioners for Foreign Missions,
1910:cvi, էջ 223)

եւ Երեւանում եւ ձեռագործի արհեստանոցներ բացեց, որոնք գործեցին մինչը 1921 եւ լուծարուեցին Հայաստանի խորհրդայնացման օրերին²³:

Վարժարաններ բացուեցին նաեւ Ալիւր, Կուսենց, Խառակոնիս, Կէմ, Գործօթ եւ այլ գիւղերում: Ալիւրի դպրոցը բացուեց 1876ին, Մկրտիչ Փորթուգալեանի ջանքերով²⁴:

1880ին Վանում բացում է Երամեան միջնակարգ դպրոցը²⁵: Այնտեղ աշակերտները սովորում են կահագործութիւն, կօշկակարութիւն, դերձակութիւն եւ այլ արհեստներ, որոնք ամուր հիմք են դառնում տեղական արհեստների պահպանման համար²⁶:

1881ին բացուեց Շուշանեան Օրիորդաց Վարժարանը, իսկ երկու տարի անց՝ 1883ին նաեւ Գայիանեան Օրիորդաց Ուսումնարանը, որը գտնւում էր Խրիմեան Հայրիկի տան մի հատուածում, որտեղ սովորում էին թաղի աղջիկները²⁷: Այս ուսումնարանների առաջին շրջանաւարտներից տաս օրիորդներ շարունակեցին դասաւանդել նոյն վարժարաններում²⁸: Հայրիկի մասնաւոր բնակարանում է հաստատուած եղել նաեւ Յայնկոյսների աղջկանց վարժարանը, որը նոյնպէս հիմնադրուել է նրա կողմից²⁹:

Վանի Ս. Պօղոս-Պետրոս եւ Ս. Առաքեալ յարակից եկեղեցիները բերդաքաղաքի կենտրոնում են, որի բակում էլ կառուցուել է երկսեռ դպրոց եւ այստեղ փոխադրուել նաեւ Շուշանեան Օրիորդաց Ուսումնարանը³⁰: Բերդաքաղաքից դէպի արեւելք՝ Արարուց Ս. Աստուածածին եկեղեցու արեւմտեան կողմում 1885-86ին կառուցուեց «Ս. Թարգմանչաց» երկսեռ ուսումնարանը, որի ստորին յարկում գորգագործութեան սրահ էր: Վան քաղաքի երկու մասում՝ Այգեստանում եւ բերդաքաղաքում կար հինգ օրիորդաց ուսումնարան³¹, որտեղ ուսանում էին միայն ձեռագործութիւն. գիտութեան դասեր չէին դասաւանդուում³²: ԺԹ. դարի վերջին դասանիւթերի կողքին տեղ գտաւ նաեւ գորգագործութիւնը. «1894ին ձեռագործի եւ այլ առարկաների հետ մըրցուեց աղջկանց պարապմունքի մէջ նաեւ գորգագործութեան արհեստը: Այս արհեստի համար նիւթը մատակարարում էր պ. Ս. Տարբինեան: Այս գորգագործութեան պարապմունքը փակաւին բացառիկ առարկայ լինելով, պարապմունքաւ 3-5 արշունի երկարութեամբ, ճաշակատր, որոնցից մինը գնեց Վանայ կուսակալ Բահրի փաշան ուղարկելով Կ. Պոլիս որպէս նմուշ Վանայ գործուածների, միւսները մնաց Տարբինեանի մօտ»³³:

Երկսեռ որբանոցներ հիմնւում են նաեւ Վան քաղաքի մերձակայ վանքերի կողմից: Վանի մերձակայ Ս. Գրիգոր վանքի հոգաբարձութեան կող-



Ալիւրցի հայ կանայք ասեղնագործ աշխատանքներով (Հայոց Ազգագրութեան Թանգարան, լուսանկար ՀՊ 5595/106)

միջ հիմնուած աղջկանց որբանոց-վարժարանում հոգացուող՝ 50-80 որբուհիներին տարրական ուսման կողքին դասաւանդում էին ձեռագործ, կարուծել, գորգաշինութեան արհեստներ են.³⁴ Որբանոցը Այգեստան փոխադրուելով յանձնուում է Աղանի Մկրեանի հովանաւորութեանը³⁵:

Վանում ձեռագործի դասաւանդման զգալի ասանդ են ունեցել հայ կանայք ու աղջիկներ՝ Սեօն (Իսկուհի Համբարձումեան), Սողոմէ Ջրբաշեանը, Զարուհի Շալեանը, Հոիփսիմէ՝ Նալպանտեանը, Արաքսի Սաֆրաստեանը, ովքեր տարիներ շարունակ կարուծել են ուսուցանել հայ օրիորդներին:

Վանի հերոսամարտի հերոսուհիների՝ Շալեանի, Նալպանտեանի, Ջրբաշեանի շնորհիւ Վանում կազմում է «Վասպուրականի Կանանց Միութիւն»ը, որը խթանում է Վանի կանանց զարգացմանը եւ առաջադիմութեանը, աջակցում ինքնապաշտպանութեան պայքարին: Միութիւնը ապրիլեան Եղեռնից յետոյ հազարաւոր որբերի իր խնամքի տակ վերցրեց, Երեսնում հիմնեց Վասպուրականի կարուծելի ու ձեռագործի արհեստանոց³⁶:

ԶԵՌԱՐՈՒԵՍԸ ԱՄԵՐԻԿԵԱՆ ՄԻՍԻՈՆԱՐՆԵՐԻ ԿՐԹԱԿԱՆ ՀԱՍՏԱՏՈՒԹԻՒՆՆԵՐՈՒՄ

Կրթական գործում կարեւոր դեր ունեցան Ամերիկայից ու Եւրոպայից ժամանած միսիոնարները: Ակնյայտ է, որ կրօնաքաղաքական ու բարեգործական գործունէութիւնը միայն չափ չէր կարող հետապնդել, ոմանք անձնուրաց նուիրուեցին այս գործին: Բնականաբար նրանց գործունէութիւնը կ'ունենար հետետորդներ ի դէմս հայ անտարանականների, ինչը դէմ էր հայ լուսաւորչական համայնքին եւ յարուցելու էր վերջինիս ընդդիմութիւնը, քանի որ ենթադրում էր տոհմիկ դաստիարակութեան ձեւերի ու հաւատքի խարխլում: Միսիոնարների կիրառած արդի մեթոդները դրական ազդակներ ունեցան հայ կրթութեան որակի վրայ:

1870ականներից Արեւմտեան Հայաստանի քաղաքաբնակ կառուցուեցին ընդարձակ քաղաքամաս՝ տարբեր հաստատութիւններով, նրանց թում՝ նաեւ ուստայնագործարան, կտաւ գործելու համար³⁷: Միսիոնարներն ի սկզբանէ հանդիպելու էին խոչընդոտների թէ՛ տեղի լուսաւորչական համայնքի կողմից եւ թէ՛ զաւառների բնակչութեան՝ իզական սեռի կրթութեան հարցի խնդրով. աղջիկն ընկալում էր որպէս տունը կանաւարող ու տնային գործերով զբաղուող էակ³⁸: Յատկանշական է, որ այս մասին յիշատակում են նաեւ միսիոնարները, ովքեր նշում են, որ Արեւմտեան Հայաստանի ոչ մի քաղաքում այնպէս պայքար չմղուեց կանանց կրթութեան դէմ ինչպէս Վանում: Պայքարին նպաստում էր նաեւ բողոքականութեան դէմ առկայ կանխատրամադրուածութիւնը. յիշաւի, Վանը գտնուելով Հայաստանի սրտում, լուսաւորչական ուժեղ կենտրոն էր³⁹:

Այդուհանդերձ, միսիոնարների հաստատութիւնները յետագայում առանցքային դեր ու նշանակութիւն ունեցան հայերի կեանքում: Այստեղ հիմնականում գործող ձեռարուեստի՝ ասեղնագործութեան առարկաները

հնարարությունն տուեցին 1895ի Համիտեան Զարդերից յետոյ միսիոնարների նախաձեռնութեամբ հայ կանանց ապահովել աշխատանքով, ինչն ապրուստի միջոցի վերածուեց: Վերջիններս կազմակերպում էին դրանց արտահանումը, վաճառքը: Զեռագործ իրերի վաճառքը օգնեց միութիւնների համար դրամ հաւաքելուն⁴⁰:

Ամերիկեան միսիոնարութիւնն իր կրօնաբարոյական գործունէութեամբ, իր հաստատած արական ու իգական վարժարաններով Վանում հաստատուեց 1872ից⁴¹: 1896ի կոտորածներից յետոյ անելացան օտարերկրեայ դպրոցների աշակերտների թիւը, քանի որ Վանի բնակիչները հնարարութիւն չունէին վճարելու հայկական դպրոցների վարձը, ստիպուած իրենց երեխաներին ուղարկում էին միսիոնարների կողմից բացուած դպրոցները: Վանում գործող ամերիկեան դպրոցները յատկապէս օգտակար եղան հասարակ ժողովրդի համար: Ի տարբերութիւն հայկական դպրոցների՝ այստեղ սովորում էին բացառապէս աղքատ խաւի երեխաները կամ որբերը⁴²: Այնտեղ սովորող որբերը մեծամասամբ ոչ թէ քաղաքից էին, այլ շրջակայ գիւղերից⁴³:

Աշակերտների ուսման վճարը տարբեր կերպ էր իրականացում: Ոմանք ուսման դիմաց վճարում էին գիւղատնտեսական ապրանք: Գործում էր մէկ այլ կարեւոր տարբերակ եւս՝ աշակերտուիինները իրենք էին աշխատում ուսման վճարը տալու համար՝ կար անելով, հիւսելով, ձեռագործ անելով, գորգ գործելով: Շրջանաւարտներից շատերը դարձան դասաւանդողներ⁴⁴: Վանում ձեռագործութիւնը հայոցիւր առօրեայի անբաժան մասն էր, նրանց ամէնուր կարելի էր տեսնել աշխատանքը ձեռքներին՝ կամ մանում էին, հիւսում, գոլպայ գործում, *կանվայի* (ցանցալաթ) վրայ ասեղնագործում⁴⁵: Այս մասին յիշատակում է նաեւ Երամեանը. Վանի պարտէզների մասին խօսելիս նա նկարագրում է դրանցից մէկի՝ վագըֆի մասին, որը գտնւում էր Թուփրակ-Կալէի ստորոտում: Այս ծորի անտառում Այգեստանի ժողովուրդը Կիրակի օրերին գրօսնելու է իջնում, իսկ բազմաթիւ կանայք լուր օրերին իրենց ձեռագործը այս ծառաստանների մէջ են կատարում⁴⁶:

Ամերիկացի միսիոնարների առաջին առաքելական գործունէութեան անձնուէր գործիչներն էին դոկտոր Շորճ Ռէյնոլդը եւ միստր Պարնըմը: 1875ականներին հաստատուելով Վանում, նրանք ընդլայնեցին յարաբերութիւնների շրջանակը, սկսեցին հիմնել դպրոցներ⁴⁷, արհեստանոցներ, որբանոցներ աղջկաների ու տղաների համար⁴⁸: 1871-1912՝ Ռէյնոլդները Վանի ու շրջակայ գիւղերի մէջ հիմնեցին նախակրթարանների ընդարձակ ցանց, տիկին Ռէյնոլդն՝ աղջկանց վարժարան 1879ին Վանի մէջ, ապա՝ հաստատեց որբանոց-դպրոց-արհեստանոցներ⁴⁹: Նա ղեկավարում էր նաեւ գորգագործների աշխատանքը. վերցնելով հարուստ հարեաններից գորգեր որպէս օրինակ՝ զբաղեցնում էր կանանց զգելու, մանելու եւ բուրդ ներկելու համար: Ժանեկագործութիւնը սկսուեց վեց աղքատ աղջկայ օգնութեամբ միջանի թէլակոճից՝ յիսուն համարի թէլի, միքանի ասեղից: Այն

վերաճեց տաս սենեակով տան, որը տրամադրել էր անգլիացի մի վաճառական, իսկ աշխատողների թիվը՝ եօթանասունհինգ աղջիկի⁵⁰:

Ռէյնոլդն այստեղ ծառայած շուրջ 40 տարիների գործունեության շահափոլը հասցնում է Մուշ եւ Սասուն: Նա 1894-97 կոտորածներից յետոյ Այգեաստանում բացում է երկաթե որբանոց: Բացի տղաների դպրոցից կար նաեւ աղջիկների դպրոց, որը «*բոլոր գիտություններ չունէր, բայց արոր փոխարէն ձեռագործ եւ կար ու ձեւ կը սորվեցնէր*»⁵¹: Ռէյնոլդի նպատակը միայն որբերին կրթութիւն տալը չէր: Նա օգնում էր որբերին զբաղուել իրենց նախասիրած արհեստներով, որի նպատակով էլ հիմնում է մի շարք արհեստանոցներ՝ դերձակնոց, ջուլիակնոց, կօշկակարնոց, դարբնոց եւն.⁵²: Որբախնամ գործունեութիւն էր վարում իր կինը՝ Մարին, ով գուրգուրանքով էր խնամում հայ դժբախտներին, որի համար էլ ժառանգել էր որբերի մայրիկ տիտղոսը՝ Խանըմ⁵³: Ռէյնոլդի երազանքն էր Վանի մէջ մետաքսի մանարան բացելը⁵⁴, որը անկատար մնաց կայսրութիւնում տիրող իրավիճակի պատճառով:

Ռէյնոլդի օգնականներից էր միսիոնար բժշկուհի Միս Քեմփըլը, ով աշխատում էր որպէս տեսչուհի աղջկանց վարժարանում: 1895ից սկսած թուրքերի ու քրդերի թալանի ու ջարդերի կարետր ականատես միսիոնարները խնամատար մարմին կազմեցին Քեմփըլի գլխաւորութեամբ՝ օժանդակելու հազարաւոր փախստականներին: Իր մնայուն օգնականների օժանդակութեամբ, նպաստներ էր բաժանում, բժշկական խնամքի բաժին վարում Միս Քեմփըլը: Այստեղ կարետր է նշել, որ նա մեծ քանակութեամբ բուրդ, բամբակ, դերձան եւ այլ պիտոյքներ գնելով, ամբարելով, գործ հայթայթեց աշխատելու կարող դեռահաս կանանց ու աղջիկների եւ անգործ արհեստաւորների⁵⁵:

Ամերիկացի բողոքական միսիոնարները հայ գաղթականներին ու աղքատներին օգնելու համար զգեստեղէնի, անկողնու եւ այլ պէտքերի համար մեծ քանակութեամբ հում նիւթ են գնում եւ գործել տալիս աղքատներին: Այսպէս՝ «*բամբակէ թէլ մանելու համար կը գործեն 1000 ճախարակ, կլաւ եւ շալ գործելու համար կը բանին 200 հոր, հագուստ կարելու համար կ'աշխատին 100 ընտանիք, 15 վարպետ հագուստ կը ձեւեն, 20 ընտանիք գուլպայ կը հիւսեն, 60 անձ բամբակ ու բուրդ կը գզեն, 70 անձ հինայ կ'ընեն կամ մասրայ կը լեցնեն եւ այլն*»: Հայանպաստ այս գործողութիւնների համար միսիոնարները վարձել էին 5 մեծ տուն⁵⁶:

Նոյն անձնուէր առաքելութեամբ աշխատեցին ամերիկացի միսիոնար ամուսիններ դոկտոր Քլերընս եւ Էլիզապէթ Աշըրները: 1900ականներին Էլիզապէթը մեկնարկում է «Ժանեակի արտադրութիւնը», օգնելով որբերին ու այրիներին ձեռագործ աշխատանքներով գումար վաստակել: Հումքը ստացում էր Եւրոպայից կամ Ամերիկայից, որտեղ եւ վաճառում էին ձեռագործ իրերը⁵⁷: Իր նամակներից մէկում նա յիշատակում է, որ Ժանեակի գործարանում աշխատում են հարիւրաւոր աղջիկներ եւ յատկապէս

ընտրում են նրանք, ովքեր կարիքաւոր են: Ժանեակի արտադրութիւնը մեծ յաջողութիւն ունեցաւ: Նրանց պատրաստած արտադրանքը վաճառքի էր դուրս բերում արեւմտեան երկրներ⁵⁸:

Ամերիկացի միսիոնարները գաղթից յետոյ, 1917ին իրենց գործունէութիւնը շարունակեցին Արեւելեան Հայաստանում, որտեղ հաաքուեց գաղթականութեան մի մասը: Երեւանում եւ Ալեքսանդրապոլում նրանք հիմնեցին մի շարք արհեստանոցներ՝ բրդի, բամբակի գործարաններ (Երեւան), շալագործարան (Երեւան եւ Էջմիածին), դերձականոց, հիւսնոց են.⁵⁹: Ամերիկացի միսիոնարներն իրենց գործունէութիւնը ծաւալեցին նաեւ Թիֆլիսում, որտեղ Նպաստամատոյց Ընկերութեան փախստականների որբանոցում գնահատանքի արժանի աշխատանք է կատարում տիկին Մ. Միքայելեանը, ով աղջիկներին սովորեցնում է ձեռագործ աշխատանքներ, որոնք հիացմունք էին առաջացնում⁶⁰: Աղջկանց որբանոցներ հիմնում են նաեւ Տոմինիկեան եւ գերմանացի միսիոնարների կողմից⁶¹:

Միսիոնարների բարեգործական կազմակերպութիւնների տարած գանգոաձային աշխատանքներով ոչ միայն նուազեցին բնակչութեան ընկերային դժուարութիւնները (մանաւանդ որ հիմնականում աղքատ խաւն էր դիմում գործ ստանալու համար⁶²), այլեւ ապահովուեց արհեստների, ձեռագործ աշխատանքների զարգացման շարունակականութիւնը:

ԵԶՐԱԿԱՅՈՒԹԻՒՆ

Այսպիսով՝ ժողովրդական արհեստների, ձեռագործ աշխատանքների ներմուծումը կրթական համակարգ, այսինքն, վերջիններիս վերածումը կրթական դաստիարակութեան բաղադրիչի, մի կողմից ապահովում է մշակոյթի զարգացումն ու փոխակերպումները արտաքին, առաջադէմ ազդեցութիւնների արդիւնքում, միւս կողմից, նպաստում է, որ նոր համակարգ ներառնուեն ժողովրդական մշակոյթի, լայն առումով՝ մշակութային ժառանգութեան կարեւորագոյն բաղադրիչ հանդիսացող արհեստները: Եւ վերջապէս, այս իրողութիւնը ցոյց է տալիս, որ չնայած պահպանողականութեանը, հայ իրականութիւնը աստիճանաբար փոխում է նաեւ իր վերաբերմունքը աղջիկների կրթութեան ու հնարարութիւնների նկատմամբ: Արհեստների դասաւանդումը կարեւոր դերակատարութիւն ունեցաւ, քանի որ այն, ըստ էութեան, խմբակային, համայնքային գործունէութիւն էր, ինչը թոյլ էր տալիս, որ հաաքական աշխատանքների կատարողական ձեւերը, տուեալ շրջանի ձեռագործութեան դպրոցի աւանդական ոճը պահպանէին ու փոխանցէին սերնդէսերունդ: Ստեղծագործական նուրբ արուեստը իւրաքանչիւր ազգագաւառում ներկայանում էր առանձնայատուկ դիմագծով, այն է՝ յատուկ ոճի, կարատեսակի, յղկում, բարդեցուած ձեւերով, ուստի՝ վերջինիս զարգացումն ու պահպանումը հիմքն են կազմում այսօր գոյութիւն ունեցող հայկական մշակոյթի հարուստ գանձարանի:

- ¹ Արհեստագործական գործունեության կարեւորության մասին Մ. Նալբանդեանը նշում է. «Հայոց արհեստագիտությունը շար ողբայի վիճակում է այսօր... Տնտեսական գիտությունը առանց արհեստի օգնության չեն կարող գործադրություն ունենալ ազգի մէջ: Եւ, եթէ ամէնքն էլ փիլիսոփայ դառնան, այնուամենայնիւ, ազգի աւերակը չի շինուի: Փիլիսոփայի ծեղից չէ գալիս այս կամ այն գործիքը շինել, որին մեծապէս կարօք է ազգի երկրագործությունը եւ վաստակատրությունը, փիլիսոփան չի կարող հոգալ եւ շինել եւ ոչ մինը այն բաներից, որոնց չիւնելը պարճառ է այսօր ազգի կեանքի փարապայման խեղճության» (Շ. Ոսկանեան, Ուրուագծեր Արեւմտահայ Դպրոցի եւ Մանկավարժական Մարի Պատմության 1850-1920, Ա. Հար., Երեւան, 2009, էջ 250):
- ² Հ. Ստեփանեան, Հայերի Ներդրումը Օսմանեան Կայսրությունում, Երեւան, ԳասՊրինտ, 2012, էջ 578:
- ³ Հ. Թորմանեան, Այնթապի Ասեղնագործություն, Ա. Հարոր, Հալեպ-Երեւան, Տիգրան Մեծ, 2015, էջ 93: 1882ին Այնթապ ժամանած Բժ. Ֆ. Շեփլդտը եւ կինը՝ Ֆենին, շրջագայելով գիւղական քնակավայրերում, տեսնում էին կանանց, ուլքեր կրում էին հաստ կտավից պատրաստուած կարմիր ու կապոյտ գոգնոցներ, որն իրենց ծեղով էին ներկում ու ասեղնագործում ճերմակ հաստ դերձանով: Տեսնելով որ դրա վրայ ժամանակ էր ծախսում նրանք ձեռնարկում են նոյն աշխատանքը գործուածքների վրայ (Թորմանեան, էջ 98):
- ⁴ Ոսկանեան, էջ 388:
- ⁵ Համբարձում Երանեան, ՅուշարձանՎան-Վասպուրականի, Հարոր Բ., Աղեքսանդրիա, տպագր. Արամ Ստեփանեանի, 1929, էջ 278:
- ⁶ <https://www.houshamadyan.org/arm/mapottomanempire/bitlispagheshvilayet/bitlis/bitlisreligion/missionaries.html>
- ⁷ "Mid Toil and Tribulation," *The Missionary Herald*, American Board of Commissioners for Foreign Missions, Պոստոն, Մետչուսեյ, 1915, Vol. CXI, էջ 457:
- ⁸ Վահէ Հայկ, *Խարբերդ եւ Անոր Ոսկեղէն Դաշտը*, Ա. Հար., Նիւ Եորք, 1959, էջ 333, 504:
- ⁹ Թ. Խ. Յակոբեան, Պատմական Հայաստանի Քաղաքները, Երեւան, Հայաստան Հրատ., 1987, էջ 202:
- ¹⁰ Վ. Հայկ, էջ 457:
- ¹¹ <http://www.houshamadyan.org/arm/mapottomanempire/bitlispagheshvilayet/bitlis/bitlisreligion/missionaries.html> (պահպանումն է լուսանկար-քաղիկ՝ մարտիկների երեք ասեղնագործ արջնակների, որի դարձերեսին Շարլոթ Էլիի գրառումն է. պահում է Մաունթ Հոլիոք Քոլէճի արխիւում):
- ¹² Ա. Սահակեան, *Դիցազնական Ուրֆան եւ Իր Հայրողիները*, Պելրոյթ, Հրատ. Ուրֆայի Յուշապատումի Յանձնախումբի, 1955, էջ 458-459:
- ¹³ Հ. Մ. Պոլոսեան, Վասպուրականի Պատմությունից 1850-1900, Երեւան, ՀՍՍՀ ԳԱ Հրատ., 1988, էջ 293-5:
- ¹⁴ Խ. Լեւոնեան, Վան-Վասպուրական Աշխարհը, խմբ.՝ Ե. Քասունի, Պելրոյթ, տպարան՝ Design Kesdenian, 2013, էջ 164:

- ¹⁵ Համբարձում Երամեան, *Յուշարձան Վան-Վասպուրականի*, Հալոոր Ա., Աղեքսանդրիա, տպ. Արամ Գասապեան, 1929, էջ 28:
- ¹⁶ Պօղոսեան, էջ 303:
- ¹⁷ Հ.Ֆ.Պ. Լինչ, *Հայաստան Ուղեւորություններ եւ Ուսումնասիրություններ*, Բ. Հյոր., Կ. Պոլիս, տպագիր Յ. Ասատուրեան եւ որդիք, 1914, էջ 106:
- ¹⁸ Ե. Տէր-Մկրտչեան, *Գանձեր Վասպուրականի*, Ա. Հալոոր, Պոստոն, տպարան Պայքար օրաթերթի, 1966, էջ 216:
- ¹⁹ Լեւոնեան, էջ 170:
- ²⁰ Լ. Գազանճեան, *Վերածնունդ Վան-Վասպուրականի, Մշակութային Ոսկեդար (1850-1950)*, Պոստոն, Տպ. Թումայեան եղբայրք, 1950, էջ 136:
- ²¹ Պօղոսեան, էջ 304:
- ²² Գ. Շէրենց, *Արքայադեր, Տեղագրություն Վասպուրականի-Վանայ Նահանգի Գլխատը Եկեղեցեաց Վանօրէից եւ Ուսումնարանաց, Թիֆլիս*, տպարան ընկ. «Վերիլեւ եւ Կանենմախէր», 1902, էջ 8-10:
- ²³ Գազանճեան, էջ 146:
- ²⁴ «Տաճկական Հայաստան, Միացեալ Ընկերությունք Հայոց, Վիճակագիր Վարժարանաց», *Արձագանք*, Թիֆլիս, Հ^ր 14, 1882 էջ 214:
- ²⁵ Ոսկանեան, էջ 269:
- ²⁶ Նոյն, էջ 329:
- ²⁷ Շէրենց, էջ 12:
- ²⁸ Պօղոսեան, էջ 304:
- ²⁹ Լինչ, էջ 106:
- ³⁰ Շէրենց, 19:
- ³¹ Նոյն, էջ 34, 42: Վանի ծխական ու մասնատը վարժարանների ցանկը տե՛ս նաեւ՝ «Նամակ Թիւրքիայից», *Մշակ*, 1895, թ. 146, էջ 3. նաեւ՝ Մասիս, «Արտաքին Տեսութիւն. Դպրոցական Գործը Վանում», *Մշակ*, 1898, թ. 76, էջ 3:
- ³² «Նամակ Թիւրքիայից», *Մշակ*, 1895, Հ^ր 146, էջ 3:
- ³³ Շէրենց, էջ 13-14:
- ³⁴ Երամեան, *Հալոոր Ա.*, էջ 455:
- ³⁵ Գազանճեան, էջ 139:
- ³⁶ Ա. Քէլթեան, *Հայ Կնոջ Դերը Հայ Յեղափոխական Շարժման Մէջ*, Ա. Հյոր., Լոս Անճըլըս, Քալիֆորնիա, 1992, էջ 94:
- ³⁷ Վ. Տերոյեան, *Միսիոներաբարեգործական Կազմակերպությունների Աշխատանքը Մերձադըր Արեւելքում եւ Անդրկովկասում*, խմբ. ՝ Ռ. Սահակեան, Երեւան, ՀՀ ԳԱԱ «Գիտություն» Հրատ., 2008, էջ 35:
- ³⁸ Վ. Հայկ, էջ 384:
- ³⁹ Mrs. R.L. Ellen, "Has American Education for Girls Been of any Benefit to Van?," *Life and Light for Woman*, published by the Women's Boards of Missions, 1900:30, էջ 252, Պոստոն:
- ⁴⁰ <http://www.houshamadyan.org/en/mapottomanempire/vilayet-of-bitlispaghesh/bitlis/religion/missionaries.html> :
- ⁴¹ Լեւոնեան, էջ 173:
- ⁴² Պ.Ա.Մխիկեան, «Վանի Տօքթ. Ընկնոխոսը», *Հայրենիք*, Պոստոն, 8 Օգոստոս 1955, էջ 79:
- ⁴³ Mrs. Ellen, էջ 253:

<https://www.houshamadyan.org/arm/mapottomanempire/bitlispagheshvilayet/bitlis/bitlisreligion/missionaries.html>

⁴⁵ Miss Grisell M. McLaren, "Glimpses of Our School for Girls at Van, Turkey," *Life and Light for Woman*, 1905:35, էջ 62:

⁴⁶ Երամեան, Հարոր Ա., էջ 65:

⁴⁷ Երամեան, Հարոր Ա., էջ 92:

⁴⁸ Oksen Teghtsoonian, *From Van to Toronto: A Life in Two Worlds*, New York, Lincoln Shanghai, iUniverse, Inc., 2003, էջ 8:

⁴⁹ Լեւոնեան, էջ 294:

⁵⁰ "The Forty-first Annual Meeting of the Woman's Board of Missions," *Life and Light for Woman*, 1908:38, էջ 557:

⁵¹ Մխիկեան, էջ 80:

⁵² Նոյն, էջ 82:

⁵³ Երամեան, Հարոր Ա., էջ 439:

⁵⁴ Գազանճեան, էջ 294:

⁵⁵ Երամեան, Հարոր Ա., էջ 413:

⁵⁶ «Նամակ Թիւրքիայից, Վան, Փետրուարի 1ին», *Մշակ*, 26 Մարտ 1896:

⁵⁷ J. O. Barrows, *In the Land of Ararat, A Sketch of the Life of Mrs. Elizabeth Freeman Barrows Usher, Missionary to Turkey and a Martyr of the Great War*, New York, Chicago, Fleming H. Revell, 1916, էջ 85:

⁵⁸ Barrows, էջ 168:

⁵⁹ Փ. Արմենակ, «Ամերիկացիները Մեր Մէջ», *Աշխատանք*, 1917, ՀՊ 40, էջ 2:

⁶⁰ Ա.Ա., «Թիֆլիսի Փախտական Որբանոցները. Նպաստամատոյց Ընկերութեան Որբանոցը», *Վան-Տոսպ*, 1916, ՀՊ 31:

⁶¹ Երամեան, Հարոր Ա., էջ 448, 453:

⁶² Տերոյեան, էջ 36:

HANDCRAFT IN THE CURRICULUM OF VAN-VASPUKAKAN'S SCHOOLS IN THE SECOND HALF OF THE 19TH CENTURY

(Summary)

ANI MKHITARYAN

amkhitaryan89@gmail.com

The article gives a brief overview of the inclusion of handcraft in the curriculum of girls' schools in the Van Vaspurakan region as of the 1850s. The author assesses the benefits of teaching handcraft in those schools and notes that it promoted the preservation and development of local traditional and popular art and served as a source of income to the families, thus improving their social conditions.

The author notes that teaching handcraft in schools was initiated mostly by American and European missionaries who opened schools in the region from the mid-19th century, taught this art and encouraged its spread through exporting/selling the items abroad. The paper argues that the proceeds of these handcrafts improved the economic conditions of local Armenian families.